



تاریخ وادستان

۱۳۳۶

مجموعه
۱۳۳۶

غزل بی نظیر ندیم قدیم ۱۱۱

دردك ندر كوكل سكا برحالت اولسون
صد الحذر كه سوديكك اول آفت اولسون
كه خنجر تغافل و كه نيزه عتاب
اول مست ناز ، مست می نخوت اولسون
بيكانه مشربا بزه تاكي تغافل
بر آشنا نگاهه ده می فرصت اولسون
ای عندليب ناله آتش فشانی قو
تردر مزاج نازك كل ثقلت اولسون
كلمز اوشوخ مجلسه اغیار كلمسه
ایستركه عرضخاله بيله رخصت اولسون
مرعم پذیر اولدی زخم بنه مسیح
ایتمه علاج بیهده كل زحمت اولسون
شاید اثر ایدم نفس آتشی جیف
سویلك (ندیم) زار ایله كرم الفت اولسون



نظیره ندیم مشهور

رويك بزمده پرده كش خجلت اولسون
لطف ایله مهره ذره قدر منت اولسون
كوسترمن اولدی لعلکی اول خطانو صاقین
تحریم خمره نازل اولان آیت اولسون
بن کوه کوه درد اولهیم اشتیاق ایله
بارنگاه اوشوخه همان ثقلت اولسون

خون جگر له بسایه لم ، تک او غمزه لر
 تابویه سر کران می نخوت اولسون
 زخم اورمه بوی کل دخی اولورسه عاشقک
 یلان تیغ نازه مدد زحمت اولسون
 زینهار بلباک دخی تغلیط حسن ایله
 کلبن نخیل ایتدیکی اول قامت اولسون
 کیرا ایدن او پنجه مژکائی هپینه
 دلدن ربوده ایلدیکی طاقت اولسون
 آلدی بونظم نو ، سلفن نامن ای «ندیم»
 اسایشکده اول سکا هم کلفت اولسون



«ندیم» قدیمک بالاده کچن غزلانک «ندیم» مشهور طرفندن
 تشطیری

دردک نه در کوکل سکا بر زحمت اولسون
 بیمار ایدن بو کونه سنی راحت اولسون
 بزدن تسترا ائمه عبث کلفت اولسون
 بیجا طیبیه وارمنه هیچ حاجت اولسون
 صد الحذرکه که سودیکک اول آفت اولسون

§

که خنجر تفاقل وکه نیزه عتاب
 طرف کله شکسته وابروده پیچ وتاب
 باقسک اکرچه الدم دکل ساغر شراب
 أما هنوز غمزه سرافکن نکه خراب
 اول مست ناز ، مست می نخوت اولسون

§